



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

§. I. An jus naturale cadat sub dispensationem.

[urn:nbn:de:hbz:466:1-73058](#)

500

est abrogatio legis; hæc enim legem jam conditam omnino cassat. Nec est derogatio legis: nam hæc cassat legem pro aliquo tempore, vel pro aliqua parte communis, vel pro aliqua parte legis, si hæc habeat latitudinem secundum materiam, ut habetur *L. 102. ff. de Verb. significacione. L. Derogatur. ff. de reg. jar. ibi: derogatur legi, cumpars detrahitur; abrogatur, cum prorsus tollitur.*

2013. Dispensatio non est pura permissio. Nam hæc non tollit legis obligationem; cum Deus peccata permittat, quin dispenset in lege illa prohibente. differt ab absolutione à peccatis, & censuris; hæc enim non vulnerat, seu relaxat jus, sed implet; nec eam potest quis sibi impertiri; securus, dispensationem. differt à simplici licentia, requisiția per legem. Nam talis licentia non est contra legem, sed potius ejus impletio; lex enim prohibens aliquem actum sine licentia, non vulneratur, seu non relaxatur, faciendo actum cum licentia. differt à privilegio, ut dicitur *L. 5.* Nam hac non est semper contra jus, sed siccōpe præter jus; dispensatio autem semper est contra jus; & ideo dicitur *vulnerare jus*, ac ejus interpretatio, ut pote rei odiosa, stricta est, ut dicemus, his præmissis.

2014. Alij, *dispensare* dicunt, idem esse ac aliquem à legis obligatione salvare; dicitur, quasi à bis pensando; quia fieri debet mature, ac consueto, iusta causâ suadente, & circumstantijs bene pensatis; & ideo dispensatio ab illis definitur, *juris communis relaxatio, facta cum cause cognitione ab eo, qui potestatem habet;* ita Sanchez de matr. l. 8. d. 1. n. 2. Verum cum dispensatio fiat non tantum relaxando jus commune; sed etiam municipale, synodale, vel statutarium, ly juris communis non recte apponitur; & quia multi ad valorem dispensationis non exigunt causam, rectius etiam ly cum cause cognitione omittitur. Denique nec potestas dispensantis necessariò exprimitur; cum ex rei natura sit, quod dispensans debat habere potestatem dispensandi; nam alias nihil ageret.



Ante resolut. not. 1. jus naturale aliud est preceptivum, aliud concessivum. Nam homines jure naturæ liberi sunt; bona communia sunt; conceditur matrimonium, non tamen præcipitur; & hæc, que sunt juris naturalis tantum concessio, ab hominibus mutari possunt, ut diximus alibi; & constat in plurimis, ubi ea iuriis naturalis concessio, tam Ecclesiastico, quam sæculari jure restricta est.

Not. 2. materiam iuriis naturalis praæceptivi esse illam, quæ ex se & antecedenter ad omnem voluntatem liberam habet moralitatem fundamentalem, seu materialem sub talibus circumstantijs; seu, quod idem est, convenientiam seu disconvenientiam, cum natura rationali, quælibi, ut pluribus exposui in Tractatu Theologico de peccatis; & quidem ita, ut aliquorum materia secundum suam moralitatem, seu honestatem, vel malitiam materialem, non pendeat à dominio Dei; ut sunt odium, blasphemia Dei &c. aliorum autem materia pendeat à dominio Dei, ita, ut si Deus ut veli suo supremo dominio, in circumstantia talis suppeditationis non obligent, cò quod, ut sub hanc tali circumstantia, non sint objectum iuriis naturæ præceptivi.

Exemplum hujus est in Abraham respondebat filij Isaac. Nam eti occidi à proprio patre filium omnino innocentem, secundum se præcisè consideratum, jure naturæ illicitum; si tamen consideretur sub circumstantia DEI titulo supremi domini (quo potest disponere de vita quorumlibet hominum) præcipiens; ut pater filium suum occidat, non amplius est materia juris naturæ prohibentis, conjunctum cum ea circumstantia; consequenter non occidere non erit contra jus naturæ; cum non præcipiat de hac materia, secundum quod pendet à dominio DEI, his positis.

rg. ad quest. nullam dispensationem propriam dictam posse direxisse cadere in ius naturale; ita Suarez de Legibus l. 2. c. 14. n. 5. & complures alij. Nam stante materia legis naturalis, ea ex se, & antecedenter ad omnem legem extrinsecam est materialiter bona, vel mala cx n. 2016. ergo quantum ob-

di objectum tale manet, quale cadit in legem naturae, si malum est, & illicitum, nequit cadere sub ullam dispensationem; hac enim deberet facere licitum, quod ex jure illicitum est, ex n. 2011. Nec enim unquam fieri potest, quod sit conveniens nature rationali quam tali, concedi, quod de se malum est, aut ex se illi inconveniens, vel omittere, quod de se debitum est. Eideo exempla, quae affert Sanchez l. 8. de matr. d. 6. n. 5. ad probandum, dispensasse Deum in jure naturali, non sunt de materia, secundum quod sunt objectum juris nature praceptivi, sed mutata ratione circumstantiae adjunctae, secundum quam non cadunt sub jus naturae; ut ostensum est in n. 2017.

Dices: quilibet Legislator in suis legibus dispensare potest, vel per se, vel per alium; leges enim ex eius voluntate fortunatur vim obligandi; at Deus praeceptorum naturalium est legislator; ergo, i.e. majorem procedere de legibus, quarum materia est mala, quia prohibita; non autem prohibita, quia ex se mala; materia legis naturalis, in quantum cadit sub legem naturae, non est mala, quia prohibita; sed prohibita, quia mala; & ideo nullius legislatoris voluntate, secundum eam rationem, quam cadit sub jus naturae prohibens, fieri potest licite; fecus, si accedit ei circumstantia ex dominio Dei, quando ab eo pendet, ut dictum est.

§. II.

An in jus divinum posuivum cadat dispensatio?

Quid possit Deus, si velit, in legibus suis positivis, hoc est, liberè à se conditis, dispensare, non est dubium. Nec opus est alia causâ, quam liberâ voluntate Dei; hoc enim est regula omnis honesti. Quæstio est, an hæc potestas à Deo concessâ sit hominibus, & quibus? nam posse Deum aliqui concedere facultatem, ut, non suo, sed Dei nomine dispensari in jure divino duntaxat positivo, certum videtur, cum id possit Legislator humanus. Illud prius notandum, non esse credendum, quod Deus aliqui hanc dispensandi potestatem commiserit, nisi hoc vel auctoritate Ecclesie, vel aliâ Dei revelatione, per Ecclesiam probata constet, e. Nisi cum pri-

dem, de Renuntiatione, &c. Cùm ex injunctio, de heret. ibi: non sufficit cuiusquam tantum nudè afferere, quod ipse sit missus à Deo; cum hoc quilibet hæreticus afferveret: sed oportet, quod aferuat illam invisibilem missionem per operationem miraculi, vel scripturæ testimonium.

Potissima difficultas est circa summum Pontificem, an habeat potestatem in jure divino positivo dispensandi: de quo ex professo lib. 1. tit. 2. Posse in omni jure positivo divino ex causa gravi, & urgente, seclusis articulis fidei, affirmat Abbas in c. Proposuit: de concess. prebend. n. 20. Feilinus in c. que in Ecclesiast. de Constit. à n. 19. Idem tenet Sanchez l. 8. matr. d. 6. n. 6. sed non nisi pro casu, quo videtur esse maius Dei obsequium, dispensationem concedere, quam jus divinum tunc integrè servari; sed negativa mihi omnino videtur probabilior, saltem extra casum, pro quo non habetur ex Dei revelatione, vel per Ecclesia auctoritatem, summo Pontifici concessam esse hanc potestatem dispensandi in jure divino, si hoc non vindicetur in humano contractu; ita Suarez l. 18. de Legibus c. 6. n. 7. cum D. Thoma. 1. 2. q. 97. a. 4. ad 3. & 2. 2. q. 88. a. 10. ad 3. cum alijs; quam opinionem verissimam esse affirmat Castropalaus p. 1. tr. 3. d. 6. p. 3. n. 5. cum pluribus ibid. relat. si nisi pro casu particulari constet ex revelatione divina; id, quod maximè procedit de dispensatione directa in jure divino positivo.

Ratio est. 1. quia nullibi habetur, Pontifici hanc potestatem esse commissam. Nam ex illis verbis; quodcunque ligaveris super terram, cum sint nimis generalia, id non infertur. 1. quia, cum causa, de qua agitur, sit gravissima, requirit concessionem specialem. 2. quia exinde redundarent mala sanè admodum gravia in unitatem Ecclesie quoad religiosum DEI cultum in sacrificijs, & sacramentis. Nam si hæc, voluntate summi Pontificis variari possent, ubi in his foret unitas Ecclesie? Si enim Pontificia potestate fieri posset, licite, valideque conferri baptismum in aquâ dulci naturali; cum adest naturalis; consecrari corpus, & sanguinem Domini, ubi adest materia ordinaria, & jure divinæ

Rrr 3

Institu-